

গান গাওয়ার 'দায়ে' ক্যাম্পাসে ছাত্রদলের হামলা, বোমাবাজি

বিশ্ববিদ্যালয় প্রতিবেদক : ক্যাফেটেরিয়ায় গান গাওয়াকে কেন্দ্র করে গতকাল ঢাকা বিশ্ববিদ্যালয়ের ছাত্রদল ক্যাডাররা সাধারণ ছাত্রদের ওপর হামলা চালায়। বিশ্ববিদ্যালয়ের সায়েন্স ক্যাফেটেরিয়ায় গতকাল দুপুরে এ ঘটনা ঘটে। ছাত্রদল ক্যাডারদের হামলার ক্রমক্ষে ৩ জন ছাত্র আহত হয়। এ ঘটনাকে কেন্দ্র করে ছাত্রদলের দুগুপের মধ্যে ৫/৬ রাউন্ড গুলি বিনিময়, বোমাবাজি এবং ধাওয়া-পাল্টা ধাওয়ার ঘটনা ঘটে। পুলিশ ৩ জন ছাত্রদল ক্যাডারকে গ্রেপ্তার করেছে।

ছাত্রদল ক্যাডারদের হামলায় যে ৩ জন ছাত্র আহত হয়েছে তারা হলো রানা, রেজা এবং লিটন।

সংশ্লিষ্ট সূত্রে জানা যায়, গত শনিবার বিকালে বিশ্ববিদ্যালয়ের ভূ-তত্ত্ব বিভাগের কয়েকজন ছাত্র 'বিজ্ঞান ক্যাফেটেরিয়াতে' গান গাইতে থাকলে শহীদুল্লাহ হলের সভাপতি ইমরান গ্রুপের ক্যাডার নাহিদ ও সানুসহ কয়েকজন ছাত্রদল ক্যাডার তাদের গান গাইতে নিষেধ করে। ক্যাডাররা তাদের এই বদে'শনিয়ে দেয় যে, পরবর্তী সময়ে ক্যাফেটেরিয়াতে গান গাইলে খবর করে দেওয়া হবে।

গতকাল দুপুরে ভূ-তত্ত্ব বিভাগের ছাত্ররা ক্যাফেটেরিয়াতে বসে গান গাইলে শহীদুল্লাহ হলের সভাপতি ইমরান গ্রুপের নাহিদ, সানু, জাবেদ, পল, সাইদ, আজাদ, পোটন, রোটন, মথুসহ-২৫/৩০ জনের একটি গ্রুপ ক্যাফেটেরিয়ার সামনে এসে বোমাবাজি করে এবং কয়েক রাউন্ড ফাঁকা গুলিবর্ষণ করে। সাধারণ ছাত্রছাত্রীদের মধ্যে এ সময় আতঙ্ক ছড়িয়ে পড়ে। হামলাকারীরা ক্যাফেটেরিয়া ভাঙচুর এবং কয়েকজন ছাত্রের মোবাইল ফোন ছিনিয়ে নেয় বলে জানা যায়।

এ সময় এ ঘটনাকে কেন্দ্র করে ছাত্রদলের মামুন এবং ইমরান গ্রুপের ক্যাডারদের মধ্যে ৫/৬ রাউন্ড গুলিবিনিময় হয়। এ ঘটনার পর পুলিশ ঘটনাস্থলে উপস্থিত হয়ে সানু, মথু এবং মাসুদ রানা নামে ৩ জন ছাত্রদল ক্যাডারকে গ্রেপ্তার করে।

ঘটনার প্রতিবাদে ভূ-তত্ত্ব বিভাগের ছাত্ররা ক্যাফেটেরিয়ার সামনে এক সংক্ষিপ্ত সমাবেশে উক্ত হামলার তীব্র নিন্দা জানায়। এ ঘটনার প্রতিবাদে ভূ-তত্ত্ব বিভাগের ছাত্ররা আজ বিশ্ববিদ্যালয় উপাচার্য বরাবর স্মারকলিপি প্রদান করবে।